

律
疏
補
書

續錄附卷

總序
卷之十

重印津逮秘書序

藏書之富刻書之勤近世論者
皆稱美汲古毛氏無異辭攷子
晉所刊群籍名目衆多十三經
十七史外則有漢魏六朝百三
家集詞苑英華列朝詩集又有

群芳譜六十種曲無不兼收博
采巨帙裒然他如三唐四唐人
諸集蘇門六君子元四大家亦
皆網羅衆作彙為一編可謂備
載繁爛矣而津逮秘書則其一
也中允析為一十五集均其所

罕見之本謂之為秘洵乎其秘
笈哉子晉世居常熟迎春門外
七星橋東去二十里為白茆市
虞山紅豆村在焉子晉嘗從虞
山遊虞山喜聚書往往不惜重
資購求古本書友之捆載而至

幾無虛日所積充牣足與內府
埒惟其性有偏嗜苟非宋元佳
刻則不之取又好自矜嗇傲人
以不及片楮不借與人卒使單
行之本一從燔蕩而人間遂不
復覩子晉愛書之癖與虞山同

殆六師弟之間積漸使然聞當時吾湖書舶雲集於其門其或藏在他氏無由度置者則選善手以佳紙墨景鈔之宋槧之無存者賴之以傳又其志在流播樂付殺青使毛氏之書遍行於

天下迨至今世猶寶貴之此其
識量之遠豈不勝於虞山哉雖
然十五集中抉擇有未精而其
編次亦有未當吾蓋不能無惑
焉何則子貢詩傳申培詩說漢
唐志不著錄此乃出於豐坊之

偽造今信其為真列在韓詩外
傳之前玉石混淆不免失於鑒
別矣又六經次序以易為先而
書詩禮樂春秋則附於其後今
首集為詩說易者反退歸二集
至三集之通鑑問疑通鑑地理

通釋則史部之編年類也急就
篇者則經部之小學類也齊民
要術則子部之農家類也一卷
之內襍然並厠全無義例雖刊
刻叢書不必如目錄家言須區
分四部鴻溝劃然要以厥協整

齊為得顧藏家之大患莫甚於
深閉固拒故王充論衡中郎資
為談助祕不示人識者譏之子
晉則異是觀其命名之意有取
乎津逮者蓋願以我所祕藏載
籍出而沾勻後人也陶公詩云

奇文共欣賞疑義相與析子晉
其知此哉今夫人之為學貴有
同志者以之切磋諄習己所獨
喻不樂以喻諸人所謂如有周
公之才之美使驕且吝其餘不
足觀焉已況乎書也者即使獲

一珍秘豈可徒供插架之玩若
據為私有而或病其毀傷是上
無以愛護古人下無以嘉惠來
學可惜孰甚子晉維以經史全
書勘讐流布名山盛業相得益
彰老子曰死而不亡者壽何其

善也顧其書包舉囊括傳本絕
稀嘗見滎陽悔道人刻板存亡
攷是編已化歸烏有僅鄭樵爾
雅注酉陽雜俎為人翻刻三四
種而已今蓉村為謀重印余既
樂觀厥成爰書數語以弁其簡

首佛頭之誚則不復計云壬戌
孟冬吳興劉承幹書於宣南客
次



佛說四十二章經

後漢迦葉 摩騰竺法蘭 同譯

鄖郊鳳山蘭若嗣祖沙門守遂註

世尊成道已作是患惟離欲寂靜是最爲勝住大

禪定降諸魔道於鹿野苑中轉四諦法輪度憍陳

如等五人而證道果

法身本無出沒悲願示現受生八相道成佛寶也患惟方

便離欲爲戒生定發慧降魔顯正轉法度人法寶也四諦謂苦集滅道真俗兩重因果隨根修證大小有異憍陳如五人佛初出家雪山修道淨飯王命家族三人一阿湮婆二跋提三摩訶男舅氏二

人一橋陳如二十力迦葉五人隨衛後各捨往鹿苑共修異道世尊始成正覺先爲三轉法輪五人皆獲果證僧實之始也復有比丘所說諸疑求佛進止世尊

教敕一一開悟合掌敬喏而順尊敕

比丘宋言或名持淨戒或

名破煩惱或名淨乞食或名能怖魔天竺一名該此四義故譯者存義名焉懷疑請教應病授方信悟獲安敬順流布管世尊入滅經一千載後漢永平年中明帝因夢金像乃知佛教將被東夏遣蔡愔使西國遇摩騰竺法二梵僧白馬馱貝葉梵文扁止洛都譯梵成漢首出此經被幾啓訓最爲精要文約義備序分流通見于上中下四十二章明捨惡趨善除惑斷障超凡入聖之深旨也

佛言辭親出家識心達本解無爲法名曰沙門常